

№20130110

29 იანვარი 2013 წ.

სსიპ „საქართველოს ეროვნული არქივის“

დირექტორს ქალბატონ თეონა იაშვილს

ქალბატონო თეონა,

მოგახსენებთ, რომ ინფორმაციის თავისუფლების განვითარების ინსტიტუტის (IDFI) საქმიანობის ერთ-ერთ მიმართულებას წარმოადგენს XX საუკუნის საქართველოს საბჭოური ისტორიის შესწავლა. IDFI წლების განმავლობაში მუშაობს არქივების გახსნილობაზე, არქივებში დაცულ დოკუმენტებთან წვდომის გაზრდაზე, ასევე სახელმწიფო არქივების მოდერნიზებაზე. ინსტიტუტს განხორცილებული აქვს არაერთი კვლევითი პროექტი, ამჟამად ვასრულებთ საკმაოდ მასშტაბურ კვლევას „სტალინის სიები საქართველოზე“, რომელიც მოგვითხრობს 1937-1938 წლებში სტალინის რეზოლუციით საქართველოში რეპრესირებულ 3600 ადამიანის შესახებ. კვლევის ფარგლებში, საარქივო მასალებზე დაყრდნობით (უმეტეს წილად საქართველოს შინაგან საქმეთა სამინისტროს არქივი), შეგროვებულ იქნა ინფორმაციები აღნიშნულ პიროვნებებზე, რომელიც გამოიცემა წიგნის სახით, რომელიც გარდა რეპრესირებულთა შესახებ ინფორმაციისა, მოიცავს 1937-1938 წლების რეპრესიების შესახებ კვლევას, სხვდასხვა სტატისტიკურ მონაცემებს, ასევე მრავალ დოკუმენტსა და ფოტო მასალას.

აღნიშნულთან დაკავშირებით, გვინდა მოგახსენოთ, რომ XX საუკუნის საქართველოს საბჭოური პერიოდის ისტორიის შესასწავლად, ისევე, როგორც ისტორიული მეხსიერების შესანარჩუნებლად უმნიშვნელოვანესი დოკუმენტური მასალაა და ფასდაუდებელი ინფორმაციის შემცველია ორთაჭალის ციხის (ყოფილ №1 საპყრობილის) არქივი და იქ დაცული პატიმართა პირადი საქმეები.

2008 წელს მოხდა ორთაჭალის ციხის დემონტაჟი. ორთაჭალის ციხე, იმ უამად, შედიოდა საქართველოს იუსტიციის სამინისტროს სასჯელადსრულების დეპარტამენტის დაქვემდებარებაში.

გთხოვთ, მოგვაწოდოთ ინფორმაცია, გადმოეცა თუ არა ორთაჭალის ციხის არქივი სსიპ „საქართველოს ეროვნულ არქივს“ და თუ გადმოეცა, კონკრეტულად რომელი ფონდები და რომელ წლებს მოიცავს აღნიშნულ არქივში დაცული დოკუმენტები.

ქალბატონო თეონა, წინასწარ გიხდით მადლობას დახმარებისთვის.

პატივისცემით,

გიორგი კლდიაშვილი

დირექტორი